

孝豐縣志卷第九

知孝豐縣事蜀南克羅為賡纂

藝文志

孝豐創縣碑記

王珣

明知府前監察御史

湖州府屬縣曰孝豐者在府之西南隅相去幾二百里東至武康西接寧國南控餘杭北引安吉鳳皇山峙其左大陽山鎮其右京山如几案棋於前大會山如屏障於後廣苕諸水出天目浮玉自西南而來環繞於東北山谷盤固川澤浩渺實天造

孝豐縣志

卷九

藝文

一

地設一形勝也初本安吉縣之南境成化甲辰歲珣承乏來知府事間以民瘼巡行屬縣至安吉有以南鄉地方漢嘗有縣唐廢之遺址尚在焉者告且謂此鄉地廣山嶺崎嶇去縣甚遠以不通舟楫小民苦於輸納官司亦以催科為累或歲荒乏食小民無知者輒恃險梗化為地方患非小若得割太平金石廣苕浮玉天目孝豐零奕魚池移風凡九鄉五十四里立一縣治於舊廢處以臨蒞之則官民兩利且保他虞珣得之詢及踰年無遠近老



少智愚言皆有合乃疏其事於朝下戶部故事當
覈實時布政使張公敷華按察使毛公驥勘無異
復上請實成化丁未冬會今皇上嗣統可其奏賜
縣曰孝豐因鄉名也其設官建置悉如制仍領天
目松坑二巡檢司明年弘治改元夏知縣楊達訓
導尹翺各賫印記首先來就職又縣丞龍廷瓚主
簿曾定典史江吉教諭鄭濟訓導王勳相繼先後
至是年秋珣偕分守左叅議李公昊通判徐君俊
往臨其地率民之父老相度規畫闢除荆棘中創

縣治凡應建置者若儒學等諸所屬若布按二分
司若城隍廟山川社稷邑厲諸壇至於市郭街衢
民居里巷與凡爲縣之不可缺者若公館之類各
定其方向所宜卜日鳩工其材木石瓦諸所費多
出於民之樂助有張寧四者倡爲縣之正廳其儀
門譙樓六房官署暨諸應建之所民皆爭先爲之
公帑之費不多板築之役亦勞且衆民趨赴之恐
後珣則往來綜理無常期不三五閱月棟宇落代
閭閻相望規制煥然一新四民各就其業莫不歎

忻鼓舞咸樂其生使非無之以仁恩肅之以威令
有惠政無苛政加以詩書禮樂爲教則漸染陶成
惟善是務將見山樸之俗變而爲禮讓之風有不
難至也轉移感動之機在治教者躬行實踐珣固
當任其責於耑職者不能不有望焉耳嗟夫天地
清淑之氣蓄之久者發必大此地散置久矣其山
川之靈秀磅礴含結其發也若有所待至於今廢
而復興不偶然也地靈則人傑亦理數必然之事
繼自今吾知人物產於斯者必有傑特之才接踵

而出爲世用爲臯夔伊傅周召事業以弼我聖朝
重熙累洽之化名流汗青照耀千古天下稱孝豐
爲望邑自今伊始民俗丕變云乎哉因記開創始
末併致期望之深如此俾縣之人益知所自勵及
後之吏茲土者皆當致意云吾民有事於建置者
具載碑陰弘治四年歲次辛亥冬十一月朔旦

新設孝豐縣記

明程敏政 休寧學士

湖州故號吳興郡領縣六成化中王君珣受簡命知府事數年令行惠孚每行部輒進其縣之耆老以詢正焉耆老言安吉縣轄十六鄉爲里九十有五地險遠人習於不靖至勤王師而太平金石廣茗浮玉天目魚池孝豐零奕移風茲九鄉者爲里五十餘中有漢縣廢城巋然存焉長興縣轄十五鄉爲里二百六十有四而順零晏子荆溪茲三鄉者爲里二十有七去長興遠去安吉近析安吉之

孝豐縣志

卷九 藝文

四

九鄉置縣轄之而割長興之三鄉隸安吉則地之遠近適宜民殆永利哉王君聞其言是之考按圖牒手疏以聞詔下戶部議戶部請覈實上狀而布政使張公敷華按察使毛公曦皆以爲便狀上得請因其鄉名予縣額曰孝豐降印除吏置令丞簿史各一人仍領天目松坑二巡檢司事下王君與分守叅議李公昊躬往相地勅官府立城郭開衢巷分廛舍營廟社儒宮畫一而定有若天啟業順計宏落成之日歡聲被野力殫而不以勞財費而

不以函蓋王君以一身任興利起廢之責藩臬之
臣不以事非已出撓經野惠民之功故議克合而
足以有爲若此於是王君使來求記其成予嘗待
罪史氏竊窺我高皇帝之疆理天下蓋自戊申改
元洪武以來因革增損不遺餘力然於湖州屬邑
猶有不盡焉者豈當僞吳之初平俾少遂其生養
不忍再釐正之以勤其人於瘡痍未復之秋與顧
王君勗置一縣分隸三鄉之請實在戊申今天子
改元弘治之歲歲律一再更矣分符治理之臣乃
能補其規而成此鉅美事豈偶然者哉春秋之法
凡城某方戍某處皆謹識之爲民也而况肇永利
於制定之餘者乎王君曹縣人成化己丑進士歷
知太康信陽二縣召拜南臺御史復以政績
被薦得賜誥進階其勲名蓋未艾云

孝豐縣新建儒學記

明鄭紀祭酒

今上登極析安吉之九鄉爲縣儒學因而建焉從太守王侯珣請也命下侯偕分守少叅李君昊往卜宅因地規畫某爲縣治某爲學宮某爲官衙吏舍議以學宮則合衆力以成其縣治諸處則禮致義官大姓勸其相助時有張寧四者造縣堂章善八者造儀門周回三者造譙樓其餘各隨力有差侯與少叅君大喜獎以羊酒文幣俾縣官禮於其廬尋有湯輝五者晉而請曰某願造學之明倫侯

又喜而獎禮如之閱數月寧四等縣堂儀門以次告落文廟兩廡諸處衆力亦各有敘而明倫堂唯立四楹而已巳酉冬予巡學至彼兼得狀仍速輝五卒工時猶有禮致所遺者又得數十姓而勸喻之人各助白金若干悉付縣別貯俾湖判徐君俊督其收功判又商於侯與縣之令丞若簿等多方區畫聖賢貌像則出於勸喻所付者堂齋號舍倉庖之費皆自區畫中來也予在巡時縣學官以堂雖未備而廟已建立請記爲侯頌予以功未成辭

今予改調南都聞畢功已久少叅君又如前請記
烏可緩按侯請邑章疏與予耳目之所經歷見聞
者始孝豐與太平廣茗等九鄉皆吉屬也僻處萬
山之中凡有科調緩則玩激則變正統間有梅富
者因催徵殺其糧官其後拒捕不伏卒以爲常然
則向者侯與少叅君片時之頃能致其輸誠効力
以成大功如是誠可謂之難矣雖然古人之學養
老於是獻馘於是養老使人知愛敬所當先也獻
馘使人知武勇非所尚也孝豐之民所恃者武勇
亦顧上之人作新之術如何耳今講堂廟貌已新
門庭道路凡身所經歷之處無一而不新正諸生
刮垢磨光時也守令師長於茲者躬行以率之誠
心以感之使其因外以新其內事父母者新其孝
事兄長者新其弟務滌其舊染之污而復其本然
之善將見豐之民皆相携而出以觀維新之化而
不暇尚何舊俗之足慮耶如或不然而徒區區於
刑名智術之間亦未矣是爲記

孝豐縣重修儒學記

明許孚遠 德清人兵部左侍郎

邇來郡邑分符綰綬之長大較恐簿書飭詞訟釐賦役以博能名而於學校或稍稍后焉茲聞金谿黃侯之令孝豐也自庚子歲甫下車行釋菜禮卽屬意崇聖化培士類爲兢兢環視黌舍堂宇齋廡傾圯不治甚且鞠蔬輒捐俸資百餘金令鳩工修葺不權賈稅不曠農功未浹暮而椽題輪角煥然一新已又登進多士貞教簡課而激勵之尤嘉惠於貧寒者舉公府羨餘時振生徒之不給已又以

孝豐縣志

卷九 藝文

八

城西演武場徙於北郊外令民賃其廢址構廩舍若干區歲輸稅若干儲爲學租已又念祖宗來作興學校優免丁差定額具在令甲嘉靖中損其半以佐軍興此一時權宜非熙朝崇文本意也茲適丁大造之期俯循博士王君江君張君爲諸生請欣然修明令甲蠲其徭賦悉如故典且欲增置學田多方經營務思胥惠無窮者脆切不已然則侯之德厚澤遠詎可量哉多士飽德飲醇思鐫石以垂不朽屬十言以紀其盛美予接壤鄰封得口碑

嘖嘖寧可無一言掄揚俾表章今茲垂諸石禩乎
侯性精敏而仁恕廉約而莊毅其臨民也嚴而不
苛待士也誠而有禮其於剔弊除奸勸善懲惡風
裁默運不斤斤纖細大都以經術飭吏治以躬行
先文學古所稱豈弟恂恂惠施於民士者固宜其
誌豐士之恩懷樂只之頌永遺司牧楷模行將與
天日媲美高若水爭長矣予昔節鎮八閩督學關中
知郡邑守令係士風淳漓黃侯作養盛心予特爲
記俾后觀斯士人文之盛者知所自云

孝豐縣儒學重修記

明張

林嘉定人本縣令

明聖祖右文御極漸除元季之陋投戈講藝他務多所未遑而於化育人才之地獨先焉故卽位之初學宮徧天下郡邑孝豐本安吉九鄉孝廟初年始用議者言割爲縣時屬草創矣則苟簡沿之寢以圯壞甚弗稱制有司淡以爲病卒憚於舉羸於是前誥封吏部考功郎中吳君松欣然願以已力成之博士諸生群白於有司轉告當道諸司卒如其請君乃相基擇吉庀材募工舊址於縣治東隅

孝豐縣志

卷九 藝文

十

頗陘痺徙而前五十丈堂廟門廡之敝者則撤而新之啟聖鄉賢名宦諸祠與夫敬一之亭齋息之所昔或闕者則增置之繚以周垣圻墁丹黝咸次舉以法總之凡二百有十楹其費金千米三百石有奇始於嘉靖庚戌十月庚寅訖於嘉靖壬子十一月丙寅官不煩於帑藏之出而工則鉅民不見有役使之及而事已集乃復於原請諸司咸嘉之飭縣吏碑之學宮以風示將來乙卯之秋予獲領是邑比始至詣謁學宮則規制棟宇煥焉耳目足

以起崇瞻而肅群遊獨泮池者周圍不百步兩卽
盈晴立涸而涸之日屨多師生無能爲有司者若
不遑也嘉靖乙丑之秋八月洪都見湖萬公以名
進士來守於茲禮三日謁

夫子廟始見輒動於心嗣後朔一至焉惓惓然進師
生而言曰是可以濟與皆曰可莫能喻其意也久
而又謀諸鄉士夫曰泮宮之池特一隙而赤地耳
諸君以爲何如衆亦曰惟公廣而闢之亦莫能喻
其意也豈知公經畫相度卓有定見一旦涓吉告

孝豐縣志

卷九 藝文

十一

聞

夫子廼於櫺星門外撤其面墻指而示之曰卽此在
矣衆皆駭之以爲此外皆民居也復何爲哉甚矣
誠之易以感人也甚矣人之亦以誠感也有爲之
士者曰此吾地也公爲吾豐興學校吾靳吾地不
可也有爲之民者曰此吾居也公爲吾豐興學校
雖廢吾廬可也公喜揚而言曰普天之下莫非王
土率土之濱莫非王臣若士與民其知好義而勤
王者乎遂命工開鑿庶民子來其泉源源

不息一
泓涵碧

題爲民造福榜

明 郭 治 邑令

吾曹自做秀才以至有官其間薦被恩渥如身家之復旣養之優舉有賓禮備有資饋與夫爵秩等威物采之別至駢蕃也於此不知圖爲以稱之地有人心乎是故縣令之職爲民造福而已爲民造福是之謂報稱敷揚德義宣暢人心政理欲平賦歛欲薄利害欲爲之趨避大小強弱欲爲之得所風聲氣習之頗僻欲爲轉移使其熙恬相忘王略之中而不知是之謂爲民造福雖於君臣之義三

綱五常之倫無所逃於天地之間固自有不容已者然而君子學道愛人畏天命悲人窮若禹之過門不入孔孟之汲皇是心也凡以爲民又未可以同日語也具書之以諭將來同吾志者其不以吾爲贅疣也與

重修龍王廟碑記

郭治明

惟龍祠祀典廢興無新缺洪武四年重建殿宇歲
六月六日官爲致祭後更爲春秋二祭祭之土人
亦無能述之臨安誌宋淳祐八年趙安撫奏封公
賜廟額與此不類予惟曰重繼之之辭曰殿王之
之辭意此祠亦肇封于宋曰天目龍王又有司致
祭必具冠服顧無所自承豈漫焉爲之夫名山大
川咸有秩祀天目爲東南之鎮能興雲致雨以澤
潤生民宐報祀支崗綿亘東西數百里含靈毓秀

孝豐縣志

卷九

藝文

三

以珍其人物谿之流下險潭經爲茗合爲雪灘爲
震澤具區懷柔祀是故備物羞俎明誠潔服以臨
之禮也非必王其形體也好事者袞冕以被之旣
貌神而龍又貌龍而人不經也夫臨不經之祀又
漫焉而臨之禮之可據不必誦而已也於戲茲惟
龍祀小葺缺祀舊猷寢殿各一區廊廡門階具在

葺用支傾易撓垣四周表門敕守以清神道工無
加焉非以簡神愛民力也嘉靖五年菊月甲申吉
日知縣泰和郭治記

順治間重修廟貌神示顯應
雙眸轉瞬鬚髯張衆皆驚

孝豐縣建豐北閣記

黃朝選

萬曆庚子朝選奉命來令孝豐越二年辛丑詭傳
調士若民叩省郡保畱而選訝其無從也越三年
壬寅循故事給由士若民又相率叩省郡保畱謀
尸祀余五山渡口而選益詫愕不任也撫躬自省
曰余得無煦煦沾沾乎惠若鄭國子而誰嗣之誦
久而後收又無見奇標異以希眩俗彼所云見思
者乃其無赫赫之名者耶何物善狀而一得當畏
鼻也再且三諭止之顧已鳩工庀材而衆心成城

孝豐縣志

卷九

藝文

三

堅不可散余懼滋不德曷敢承乃卽其處而閣焉
範元帝其上閣下爲官亭蓋孝豐發自天目茗水
環流而北五山渡當其水口爲縣要津業已爲設
渡堪輿家水口宜屏翰改置武塲其間庶幾北門
鎖鑰而元帝又鎮北尊星爲民禦災扞患非淫祀
比且閣與邑治相望去渡方數十武公車使節道
必由之亭設而往來迎送不患無所一舉兩得不
謂作無益害有益而余舉其或少適矣額曰豐北
以其位縣之北又豐之彖曰大豐其北而九鄉可

占其無不亨大者登是閣也儻亦有日中之思乎
維時歲在壬寅冬吉學博士江大爵張子恩縣丞
汪應麟典史蔡思履巡司黎崇欽宋之弼若義民
周雲俞岩時王家徐應榜郎思德等捐貲像神助
田贍閣併五山渡田其詳具列於碑陰

孝豐縣公館記

黃朝選

弘治元年詔拆安吉縣上九鄉爲孝豐縣縣距安吉四十里距湖州陸道七十里水道九十里梅溪當其水陸之交舊俱未設館歲僦客舍以爲居停主人甚非所以肅體統杜嫌微也比來而州舍且密爲民居矣梅溪則瀕湫隘遇漲不堪駐馬亦孔艱焉謀出俸錢措置而阻於不及數里述周雲陳師賢王崇禮陳忠策許爾俸等私相告語曰官傳舍耳猶思爲停驂計吾與若長子孫於此但錢糧

孝豐縣志

卷九 藝文

差解來往州郡蚤夜風雨獨可無慮乎盍助官置之子孫世世享其便遂各願輸銀多寡不一以佐俸錢之不及者乃於安吉贖買原舍梅溪剗買一所俱額之曰孝豐公館從邑治也令邑人往來得寓宿無禁庶幾公私兩便云噫豐之民亦旣好義矣竊愧余未能仁也敢記此以俟後之豈弟君子維時萬曆壬寅汪邑丞應麟蔡邑史思履學博江大爵張子恩巡司黎崇欽宋之弼並記之

孝豐縣射圃記

明 黃朝選

周大司徒以鄉三物教萬民六藝與德行並陳而射居其一興賢選士率繇乎是我國家稽古定制凡天下郡邑立之射圃其儀注凡八令學士游肄其間領以儒紳有司時省之督學憲臣歲校之蓋成周遺意也朝選承乏孝豐願觀德於諸士爰咨厥射圃而莫可考詰豈其草創闕焉抑所重在彼不在此乎亟欲爲建立以時方繕葺學宮而工力不逮逾年始克圃於明倫堂之西縱百步橫貳拾

孝豐縣志

卷九 藝文

五

步高者彝汙者築平中準直中繩東望

文廟肅乎先師在上左距

城隍惕乎明神在旁義路以爲往來禮門以爲出入非獨決拾之所庶幾乎禮樂之場也諸士其有興焉矣知可藉以不泯漫以紀始事云

孝豐縣名宦鄉賢祠

明 黃朝選

名宦鄉賢有祠所以報功昭德章軌垂勸也孝豐縣於弘治改元歷百年所宦茲土而名者生是鄉而賢者祀不乏人矣廟祠浚屬未安朝選裸獻其間不勝詫焉鄉賢卽敬一亭爲祠御製碑南面神位亦南面謂堂陞何至名宦祠於

先師廟陰與啟聖祠並峙以末學躋

聖先之右可乎遂改卜於學宮外西偏名宦鄉賢同堂異室彼其人均不詭於聖賢故竝得從宮墻俎

孝豐縣志

卷九 藝文

六

豆之後視舊爲稍安爾基始於癸卯元日落成於實沈之辰學博士江大爵張子恩縣丞汪應麟典史蔡思履巡檢黎崇欽宋之弼咸與有勞也

重建孝豐縣儒學碑記

楊錫汝

己酉孟冬余建學宮告成豐人士屬記於余余謂
守土者職分當然何可記且余才拙鄙又何能記
豐人士曰厥功懋哉豐之學屢徙屢廢雖云地利
失宜亦由建立之未周今侯鼎新創造理罷堅備
豐之邑始有學豐之學始定而不移豈但爲閭邑
崇文教抑且爲閭邑培風水況不廢諸生一緡不
勞民病工後之人止知享厥成休忘拮据瘠瘁之
苦是安可記又安可不請侯自爲記余因是不辭

孝豐縣志

卷九 藝文

七

因陋妄綴始末憶乙巳春來蒞茲土甫下車謁

廟見宮墻頽敗殿宇傾圮兩廡明堂鞠爲茂草心焉
傷之慨有邑必有學學與邑原相表裏今學校之
地淪於荒烟衰草間無論非所以長育人才卽

聖靈亦何以安焉於是負疚自勵思振興而創建之
柰豐邑彈丸兵燹之餘錢穀積逋萬二千有奇前
任羈留者三初膺重任新舊急餉交迫問之官而
官不能償索之民而民無以應追呼孔亟寢食俱
忘如是三載卽欲營度於此不遑也然余

於催科無一刻不注精於此地迨茹蓼臥薪破家
園之產捐重債以代償俾前官脫然歸豐之民瘡
痍始起余隨稟命家君相度地利肇修此舉家君
曰嘻此固根本之圖亦司牧者之首務微子言吾
已籌度久之爰是周觀形勢知先之定基失於趨
向後之遷徙昧於坐山因就縣東舊址更向壬丙
後托前朝莫不環衛其左右秀峰明堂泮水悉皆
自然無強筮之吉用捐已資擇期於戊申七月二
十三日庀材鳩工余宵旦經營不畏寒暑喜子來
洞豁後造一樓上祀

響應告成於己酉十月既望前建大殿五楹軒敞
敬聖宮下設明倫堂兩廡各七儀門旁列名宦鄉賢
東營土地祠義路禮門井井各別此雖規模粗備
而

先聖先賢之靈庶幾得所憑依焉先是學宮圯廢人
文衰落科第寥寥繼茲蔚然興起濟濟師師以應
聖天子右文之盛蓋未有量也矧學建而教興教興
而俗美化豈凌刃敝之習登醇龐和厚之風安見

豐之民不由豐之士有以易之歟則學與邑誠相表裏余是以力爲創建敢謂美輪奐壯觀瞻已哉顧名思義不令廢墜尤所望於後之守茲土者是役也倡之自余凡事皆屬口手工費悉自己捐董厥工者縣丞江源訓導李煥文分厥任者典史唐文漢巡檢楊銓印其餘瑣細司出納者耆民漏守功金時用陳策郎起莘若弟子員中立志不怠贊勩任勞者如章雲初金幼學王起鸞潘胤美王居廣等亦曷可泯歟是爲記

重建孝豐縣學碑記

黃與堅

太倉進士

夫吏治之先本務也尚矣自世教衰歎天下之士習爲囂訛日刺繆於古聖賢之指爲之司牧者簿書期會旁午紛錯講肄之所弗而不治無復以化理爲亟亟本之不立至於風俗凋敝而文教不能以復張聃是故也自古爲郡縣者學校不興不可以言治學校之興化民成俗以是爲本繫細故乎孝豐當天目陰土隄隘學宮舊建於縣治東遭亂傾圮已遷東北規制未備益以頽廢我同季楊君

孝豐縣志

卷九 藝文

三

保極乙巳蒞茲土循覽太息思有以振之遂於舊址酌陰陽量形勢定爲壬位丙嚮以上應室宿下合於廣茗山水之來厥戊申七月捐俸庀材屬佐貳江諱源等鳩工伊始輒日詣經營殫精畢力於是子來率作以巳酉八月遂告成事廟宇崇煥廊廡纒屬後建一樓上祀 啓聖下爲明倫瑰麗特甚下此者皆以次整理無關豐學凡屢遷自是而學始定豐之士始有學豐當兵燹之後師儒散失研經味道者溲溲以寡於時禮樂之地兀冢蒙

童豎得而踐其宇牛羊得而牧其墟地與人盛衰
相踵其理固然而以往推之則又有說蓋地氣之
說君子所不道而於豐未嘗無徵也曩者山左馮
公來守豐於東南建奎光閣己卯鄉試獲兩雋迨
闈廢而學徒以二十年右文之世登科第者寂其
無聞雖前此作人之未至亦未必非建學失宜之
過也今君力與此舉恢於舊觀揆度精詳締構瓌
璋巖谷父老至其所者猶爲瞻仰太息而况韋帶
之士誦詩讀書進觀其車服禮器有不勃然奮起

鬱然登興者乎循吏以漢世爲最文翁加意於學
校治尤彰彰知本務也君蒞豐五年休養士庶風
恬以嬉今君於阜成之暇揚扈文教贊官學舍次
第修舉本之是務進於鴻龐以佐國家興賢之
美啟千百年運會之隆其造於豐也大矣楊君諱
錫汝江南當塗人與余同甲午拔貢同以丁酉考
取授知縣今五年任孝豐以治行優異候行取者
也嘗康熙八年己酉秋日賜進士出身文林郎觀
刑部政太倉黃與堅撰

知縣郭治去思碑記

唐

樞明刑部主事歸安人

豐之令泰和昌修子郭治民政成而陟於嵩明民宜焉以綣無能挽乃叱焉以思無能鬱乃爲之石以紀庶無忘公於夙夜乃謂予辭焉以彰予問於豐之士金君鏜王君乾曰罔攸聞強則曰風移於豐之旣曰罔攸知強則曰俗妥問於豐之吏若胥皂走曰罔厲我及我予乃言曰斯昌修之所以有思乎斯豐之所以思乎予於昌修友知其心敢私布之夫昌修以真應故直而不炫以善養故禪而

孝豐縣志

卷九 藝文

三

無恩以度正故從而弗昵以默順不暴能不助化故士安而弗譽民熙而不爲功故立名者聞立勞者知立勢者厲立惠者及無徼於居莫知其所而懷於行其情勢然也豐之志昌修子軌制備今考其迹慧人計人俶儻人藻致人咸得而勉然悵離眷故天下何其察乎夫感道若響士以實御下以實酢昌修子將不此是賴民焉有之故有實政然後有實思由於秉之謂實律於道之謂政懷於義之謂思惟實也勒爲石夫惟道義具不襲世忒雖

雖天下有餘化豈其令於豐昌修名治號中洲
明子高弟嘉靖癸未夏禮上去之日戊子春二月
朔日也歸安唐樞謹撰

知縣張侯去思碑記

吳

龍明福建參議邑人

豐令張名懋字子培號萬山蘓之嘉定人也嘉靖庚戌進士出宰孝豐蒞政未及三年擢爲南京兵部主事尋卒於官遡昔迄今已逾一十餘載矣隆慶三年春三月豐士潘子一中王子師暨耆民諸錢陳璜等數十人來謁元洲子曰惟賢然後彰賢公由宗伯掌符鄉不虛美不隱惡今之良史也三吳稱紀善之宗者必歸焉我張侯令德非公曷彰故不遠數百里而來元洲子起而辭曰鄙人不穀孝豐縣志

卷九

藝文

五

矧張侯政蹟罔有所稽曷從紀之衆出張侯政要

一帙示元洲子覽之見其嚴文量均徭復崇學校

正風俗四者其經也平獄訟清賦稅寬刑罰勸農

業禁克慝撫孤窮六者其緯也他若廉以持已明

以察奸仁以愛民公以應事恕以御下班班善政

難以悉舉自建縣以來未有如侯之盛者予乃作

而言曰是記不可以已也竊聞之爲政有幾曰思

敦政善則人思之政惡則人敦之殊情可以卜儆

慝之異率張侯云亡已越二紀而豐人猶周人之

思召公也張侯之政遐哉淑矣民思其善士思其
教如赤子之失慈母號呼籲天而不可復獲故欲
寄思慕之情於一碑石之間猶其棠所爲咏而木
瓜所爲賦也意亦嘉矣噫思生於有所感感生於
有所病病於貪者思其廉病於讒者思其明病於
苛者思其仁病於偏者思其公病於尅者思其恕
此張侯之去所以見思也使豐令皆張侯其人何
以有是思也張侯德澤入人之未深何以有是久
而能思也張侯之有孚惠心豐人之有孚惠德具
孝豐縣志

卷九

藝文

二

見之矣雖然天生豪傑代不乏人後之令豐邑者
豈無張侯其人乎果有其人則直道斯民好惡靡
忒亦將以愛張侯者愛之矣是故豐人之請是碑
也有餘思焉元洲子之記是碑也有餘望焉遂授
於衆以勒諸石

知縣江侯去思碑記

范應期 明編修 郡人

婺源鳳梧公諱朝陽者治孝豐五年政和而民安
頌聲湯湯銓部上其功能天子以爲賢擢爲廣西
南寧府上思州守去之日民悲號載道挽勒執轡
旃不 前既去民益思慕謳吟一若失怙恃邑之
縉紳先生暨弟子員義爲侯伐石而徵余言勒其
事余惟守令之致民思也亦甚艱矣專力操切暴
戾恣睢無庸論卽有惠政類無實心遷延藻飾希
聲當宁於是朝握邑篆暮候 祀徵若傳舍民亦聽

孝豐縣志

卷九 藝文

五

其去畱若遷客然守令之致民思也亦甚艱矣江
侯何以得此於孝豐哉夫孝豐阻山控險自弘治
初始設縣治之百餘年間令茲土者無慮數十公
其間惟中州郭公規模治理萬山張公衡度土田
養默王公均里甲營城垣聲聞嘖嘖尚在人口吻
降是無大流澤民亦泯泯無可考守令之致民思
也亦甚艱矣侯又何以得此於孝豐哉余聞侯初
試爲安鄉令朞年而德洽二年而績成安鄉不能
畱乃右調令茲孝豐比至勤勞民瘼總覈吏事飭

學宮度田畝均力役緩催科公聽斷除遺亡籍蠲
金錢鑄耗扶植善良搏擊豪猾善政髮豎難以櫛
數於時御史按部則多侯兩戶曾徵發則多侯督
撫按臣州府總捕則多侯寵書禮幣貺勞侯者雲
馳雨集填溢道路一時治績彪炳湖右而其間大
有非他令所能及者如辛巳歲天子令天下覈田
數孝豐分土盡堙壑侯乃躬執尺度攀危石涉斷
澗僥瘠悉與民稱平先請守令而報命勞瘁逮病
民之籲天禱祀願請身代者遍里巷孝豐人文素

顏敞侯解綏卽進士子於階下朝夕勸勉無品類
咸有造就棒檄將行復捐其俸餘謂諸廣文曰孝
豐亦多才地而可令文不振耶更建宮垣於善地
度幾有異果爾願以不腆所以助後之倡義者夫
政不悖成民不悖得侯之爲政梗槩如是方於漢
循吏傳所稱龔黃輩宜未可以陰陽黑白以故五
年於茲惠愛流暢士民飲德若赤子父母不可一
日離而爲上思所奪焉宜乎思慕無已與中洲二
三公同嘖嘖也語曰美則愛愛則傳侯之政不可

不爲美豐之民不可不爲愛余故記其事以傳於
無窮云

孝豐縣志

卷九

藝文

七

邑侯黃公去思碑

明朱國禎 郡人 學士

自豫章黃侯之守豐也琴垂於堂雉翬於野天錫
兩岐民歌五袴大司馬孫公鏞紀其大美而揚勵
之語具邑志中今公去茲土一紀矣豐之人且暮
尸祝之思公益劇謀鑱石徵不朽乞余言以次其
事夫孫司馬紀侯顛末備矣亦安所關吾說而試
稽其遺舉百一焉歲乙巳侯脫廣文毡座起家分
邑符涖吾豐按豐鄆川餘轄古稱防風氏國其民
亢黠僑墅而善飢馘其俗多罷傲競祥覲苦徭役

孝豐縣志

卷九 藝文

六

其土壤阻厓谷蒼藂而鮮平曠沮泓沙流不堪蔬
牧其儒紳能斤斤尺獲而問臻卓犖爽朗之致蓋
風氣然也侯下車與民更始盡戢威稜洋洋禮典
牖之奉揚聖天子嘉惠大德而簞以條風煦以旭
日爲之緩征輸疎文網申保伍豎章程裁鹵簿邑
例以綵帛歲輸抒抽告罄侯縷悉條陳上報可而
民欄便奉爲定式萬禩永賴嘉肺兩石刑故無小
宥過無大侯罔所紆廻犴狴中絕無冤顓聲惟不
輕論鬼薪不遽令作城旦春曰非古象形意也

必是是在用法者按令甲握符泣治必輸粟廩庾以資儉歲溝瘠例取贖賑實之侯自公移州郡暨臺使者折錙而外毋入一銖悉捐橐裝易民間粟以克額凡有推輸輒嚴簿責以按之帑中無贏錢卽魁宿渠猶不能爲乾沒計也又以身爲鵠嚴攝諸位領而胥徒輿隸咸挫赫靈口噤不敢譁所不奉命者輒論如法而風雷布之矣尤申鬼覲之禁閭閻中無得向浮圖緣果然終侯視事無疾厲之愆而民不逢菑害非偶然也至亭育諸儒生先嘯

孝豐縣志

卷九

藝文

廿九

培其氣節崇祀學宮置田給糶以弘樸槭士有囚服獻矢蒲伏庭下必障面避其塵及奉檄校藝務抑蹠心旌拔超異入薦牘毋內私謁第準繭上墨行爲甲乙耳間有腹暴二酉意致卓穎不可一世者不難推轂下之相與結生平歡慨然以千秋之業期之士固自愛還自勵也文學行誼寢寢熾矣又曰菟里中龐眉標行卓茂可風寓縣者輒奉主上璽書拜爵一級人咸濯磨益自矜奮比屋蓋可風焉豐之分符始弘治改元劉雉未久寧率草藺

縣大夫適州治度數十里而遙抵郡倍之俱僦民間舍爲駐驂之計不無驛騷民間者侯乃割貲折券置屋數楹一在州雉之北一在茗溪之東俾嗣後蒞茲土者卽次而無以供億累吾民侯之遺寧有旣哉余感成周之治東郊姬公毖慎君陳有容迨畢公競競甄別是何三紀中後先易嚮邪道有升降政由俗革治術貴因理固然也若侯之治吾豐固因以調化瑟而間露振刷之氣賢者無匿其微不肖者胥被其化侯之政寧直古鄣之餘嘉賴

之雖以激揚宇內可矣余爲紀其遺略若此以慰士民志思者若欲錄侯休媿敘循良於史乘則有大司馬之紀在侯諱朝選字某別號登台豫章金谿人萬曆甲寅仲春吉旦勒石

周侯去思碑

沈

淮

明學士
郡人

余不敏考漢人法如地節五鳳間天子重元元而課循良之績必歷試諸郡邑始得拜丞相御史大夫光祿勳非難於用也五金鞬鑪范而得材爲錢鑄釜鬻戈盾欣然驟以用矣其貴者爲清鍾大鏞夏敦商彝五父之鼎而虔以序虔以庭虔以明堂始一出而見上帝三秋之郊程其用也彼驟爲用者弊矣請以慰吾鄉之志思者今上癸丑歲江右周侯自宛陵之涇徙治孝豐按孝豐古鄣川之餘孝豐縣志

卷九

藝文

三十一

阻溪山藂密箐其民不堪競練而飢於法蓋慨然一甌脫也侯令茲土用經術經之不逾期士環於橋民嬉於墅漁陽兩岐雲中五袴直從紫芝眉宇間得之昊天不吊歲阨陽九俾侯以守艱去吾豐豐之人籲天捨地不杵不謠振呼而環相泣者聲未咽也蟻附猿拔車柅不前無緣借寇咸思伐石歌棠以永思也群邑之儒紳黃白哀籲而前曰民無天矣遺鞭墮履儀以不忘矧其撫循而邪翼之幸子大夫勒之貞珉以寄思焉余不敏聞之噦吁

數行下無能抵掌種種而於稽其儿夫吏治蓋難
言矣治而致思抑又難者思由瘠土之民則難之
難也孝豐設雉始弘治改元幾百餘稔矣大都京
師虞韋束濕虞苙甚而鈎京兆之距抽晉陽之繭
卽不然奏旻庖學製錦河陽花縣彭澤柳丘摠於
吏治無當也亦安所係人思矧其瘠者乎侯按部
無他異惟凜凜簡書而自勵其飲冰噓以箕風解
以畢雨尹扶風之術以平刑龔渤海之術以理劇
蕭馮翊黃穎川之術以近民又廉其魁宿狡獪與

諸乾沒狀爲之嚴尺籍按簿責愼筦鑰申保伍而
平繇役令邑人胥作中牟之雉而忘其馴蓋古所
稱衆人母不數數得也且其腹裏二酉識定千古
時競其雕龍洵五色丹霞而聲王者也頃緣冰壺
品騰諸儒生不啻方臯相馬波斯探珍無絲髮爽
者崇奉學宮勤恤士類庀材則割貲以佐什之七
給精則割貲以佐什之二舉聖天子養廉奠功之
典悉出以給公曾不私一鏹澗橐裝卽今苦塊之
戚不能具衰絰而西亦足悲矣今天下士大夫率

多傳舍其職一值解駮之口其帳鹵簿未有不歸
溪壑者侯一毫無溜湲焉庶懸牀載石之風不滅
沒耳侯性淡泊無它營嗜敦信仗義不侵然諾推
赤字人人之顧化亦殷殷也緣治行高等屬臺使
者優薦風勵宇縣行將如尹扶風諸君子內召至
矣竟以哀毀讀禮故奪侯以去宜豐之人泣請以
志思也余不敏得以漢人法解之侯一試而涇再
試而豐俾秩未上計而奪之去異日者聖天子復
下旌賢恩詔起侯禫祀之餘仍試百雉因而視草

孝豐縣志

卷九

藝文

三

宣麻以大其用侯得出其貴者列明堂之序而格
帝之歆又安事欣然驟以用也今之役固豐人私
侯侯能爲豐人思也豈直函牛鉅鼎用以烹雞而
以鉛刀別于將利屣哉余不敏得侍承明幸次史
臣如地節五鳳間敘循良而垂不朽竊徵侯之議
於用者爲用重也侯諱以典號六虛由庚戌進士
載任爲令實豫章鍾陵人萬曆乙卯仲秋吉且立

田侯去思碑

明曹

勳編修嘉興人

賢士大夫之係人思也久而彌真其棠一詩千載
興感雜碑峴篆庶幾近之若轉盼成墟沒沒於荒
烟衰草間期永口碑無斃難矣豐邑田侯以丁丑
夏蒞止余友查公權與侯同官其豐之利弊與侯
之治績余未嘗不知且甚嘗聞侯甫下車輒除胥
蠹大猾數輩吏畏民懷其始政已赫然竦觀聽矣
東南劇役苦漕與絲豐民苦絲校他邑苦漕更甚
蕩家析產不足償徃徃以身繼之卽子衿在所不

孝豐縣志

卷九 藝文

三

免侯定均役法勞逸相等吏不得因緣爲奸民用
享均平之樂向來賣富差貧吏胥之上下其手者
歲飽千金侯允士民請頃刻定令不少遲回他如
子衿優免及助餉之餽侯皆苦心擘畫使公私兩
利可垂永久豐土瘠石泐浹日不雨汗田龜坼連
年旱魃爲虐侯葛衣路禱兩膝爲腫其雨如澍累
日苗穎立蘓豐士夙稱雅馴侯揖讓談經勵以古
道卯翼教誨如親子弟凡厥簡拔必姪修敦古之
彥卽童子試所列前茅督學使者十錄其八稱人

倫冰鑑由是士負公輔器行古人事者霞蒸雲起
不可殫述雪盆覆之冤期同若水殫撫字之方勤
比楊城圍無冤鬼衙無宿舂班班美績更僕難罄
當此三空九盡之時得仁侯衣被斯民可謂厚幸
乃奏最中沮又適母太夫人在懾遂拂衣請假以
去豐人士扳轅臥轍編叩臺使者挽留勿獲去之
日士提筐農釋耜老稚扶携匍匐號泣相送於道
者几百里喑嘍人情若此惡在循良可爲而不可
爲哉迄今天目茗溪間語侯之政之去輒涕泗交
頤於邑擘扼德澤難諉乞余言以壽之石昔中郎
生平恥爲人作碑記難在飾詞耳若余不過言豐
人士所欲言言卽何愧况言於去之後是非已定
余是以不辭而爲之記侯諱漚號石臺湖廣蘄州
人其解綬則庚辰之二月吉也

郡司馬朱公署孝豐縣德政碑記

唐世濟

人有恆言仕路踐更等於傳舍過而不有化而不
畱至代庖攝篆不啻五日京兆正如雪鴻印泥偶
然畱迹官視其地爲遷廬民視其官爲過客未有
在事曾幾何時卽能令民懽忻愛戴若赤子之戀
慈母惟恐失之此非有如傷之視已饑已渴之心
毅然仔肩去其所疾苦予其所安樂蓋本之赤心
白意而張弛互用威惠覃敷將雨露風霆皆成滋
澤由誠與才合匪聲音笑貌所能粉飾而幾幸得

孝豐縣志

卷九 藝文

三十六

之郡司馬朱公真其人矣公之治吾湖也數歷多
年星霜幾徧閱先以別駕部運三入春明正值寇
氛克斥無日不在戈鋌雲擾之中糧抵天津身在
圍城風雪登陴代守九外一生凡數月玉食歸之
尚方毫無損失至窮民逋負難完代爲稱貸始得
生還迄今有備述辛酸蘊蘊隕涕者則膏澤之入
人深而身食其德者謳吟思慕自不能已也迨乎
鼎革之秋亂兵兩陷郡城戕殺大吏桀劫縱橫烈
於咸陽之火暴骨如莽白晝青燐幾於空國公挺

身櫻白刃惟涕泗爲民請命生全數萬生靈敏之於鋒鏑鼎鑊之中令熙熙攘攘漸見摩擊舊觀凡此子遺孰非公之所卵翼生成起溝中而傳之肉也至於孝豐山陬僻壤民風素樸向來避亂者思移家就之不意蚩蚩之民走死如驚一夫發難靡靡從風斬木揭竿蜂屯蟻聚此地成平日久民多樂業所未經見旄倪奔竄轉徙流離在事者計無復之解組徑去當道屢發兵征勦時有斬馘兵至則鳥竄林藪兵還復鳴張於草澤窟穴根株未易

孝豐縣志

卷九 藝文

七

迅掃乃蒿目盱衡求勝其任者復以畀公人謂將虎鬚屨虎尾宜堅謝不違公曰義不辭難臣子之分叱馭而行至則手書文告反復開道令其賣刀買犢鷹化爲鳩至誠所感直予之以再生且稔知公郡中德政一言而介於金石一動而信於四時真足以格豚魚馴犴雉前後招撫凡千餘人公又運籌發縱擒其渠魁脅從遂解散亂而伐之服而舍之封豕長蛇直豢之股掌之間絛緇操縱自我握之有餘裕矣邑之薦紳孝廉諸生耆里身荷萬

聞願言報德無可籍手相率乞一言於不穀將滅
之貞珉以垂永久謂知公者莫如濟也予授簡低
徊深有慨焉夫談吏治則皆言守令之艱謂財賦
之地凡催科賦役漕兌編審以至鹽米糶碎巨細
畢萃於一人黽勉周旋以毋致失墜亦不易耳然
安常履順爲於可爲之日卽庸常畫諾而有餘惟
遺大投艱爲於不可爲之時雖賢哲馳奮而不足
茲人丁劫運變閱滄桑白羽交馳戰戈不息卽蓬
谷深山迄無寧宇且公當郡城告警之日保護億

孝豐縣志

卷九 藝文

三

萬兆人而身亦倖脫於虎穴蓋觀非常之原值非
常之厄受非常之困苦豈非常之功德公固非常
人也至豐邑卒然變起公復出其緒餘以恢廓而
平滌之且視事僅三越月遄收底定人見以爲難
公見以爲易蓋平時定見定力得於諸艱之歷試
以練其氣澄其神物來順應具有成算於胸中游
刃運斤取之左右逢源耳前此國家功令凡通邊
之吏勸勦戎馬之場皆減俸超拔念宣力危疆遂
分遲速以平衡其勞逸公治行高等烏奕一時其

晉秩崇階固可拭目以俟因復諸君子而申言之
侯諱國藩號晉貽江右
大庾人貢士郡司馬

邑少宋公去思碑記

國朝

姚延敬

部給事

庚子夏豐人士以縣貳宋諱天植字漸之者奉調去丐言於余勒諸石以志所思余與之曰宋君果何政之德而遂及此曰息其廉也息其愛也息其勞也廉與愛勞而出自縣貳宋君抑何德之從而遂及此曰宋君世家陝右戊子拔於鄉降別駕而尹豐比初至奉檄舍於郊戶長德其不擾往餽之拂衣起義形於色曰爾玷我竟却之議行均役衆以公務出入爲君計謝曰予不負丞足矣無事此

孝豐縣志

卷九 藝文

碑

也四明督葺船務工用繁甚夏邑侯焦勞而濟之君鏘銖必記雖竹頭木屑務使登用曰皆民脂膏也苟易視焉詎心之所忍出哉邑侯間委以催科寧爲撫字諄切勸諭完糧不忍令逋負者困於桁楊民皆感而悉公其用愛爲何如也任未及期卽有烏竹之役尋且仁奚斯焉邇則信安爾東僕僕於奔走寢食俱廢曰民瘠矣我何肥其任勞爲何如也是請也亦豈足以報明德哉庶幾淇泉藁竹之遺意耳余曰直道在人亦安在循吏可爲而不

可爲哉凡思必動於誠宋君慰豐人之思出於誠而寓諸政豐人思宋君之政出於誠而托諸石豈足以報明德哉亦庶幾淇泉棗竹之遺意耳
今世求賢若渴吏之循者不次擢之宋君有是調所以有是思顧宋君之調適爲尺蠖之屈豐之都人士其亦何以慰所思也哉

孝豐縣田侯德政錄序

姚元瑛

錢塘人戶部主事

國家於郡國既重藩臬諸司兼貴郡邑守令者爲其奉揚仁風近百姓也是以曩者屢降優崇之典或寵以冕服或書其姓字豈特守土是望哉蓋以台鼎目之矣但慮近今治道稍襍較之漢官循吏之風斯爲不古何怪乎漢郡三百餘祇先衛颯魏罷十五城僅得陳球當此者甚寥寥也獨吾浙據東南上游其間政治民風

開代以來鬱然丕變矣如菰郡豐邑 小菴田令君

孝豐縣志

卷九

藝文

望

者初下車咨民利病所興革不下數十餘政都人士共號神君焉先是豐邑僻近天目更接江南寧廣諸山峭壁崇巖白雲翳之幽篁密箐伏莽者之所聚處小民流離喪亡動以千計君乃披藜刈蒿招流亡而歸之給牛種以闢荒土均賦役以息殘黎嚴保甲以靖餘孽安反側以大招徠于是流移復凋瘵蘇盜息民安政莫善於此况其廉以律已則高陵之蔬食靜江之幕布也寬以恤民則陽城之勞以撫字子復之不忍困民也明以斷獄則京

兆之平反非廣漢之鈎距也嚴以御史則房琯之
蒞邑黜者以去而王覲之爲守行者如水也智以
詰奸則不必鞭絲捫鐘而奸以伏法以去僞則不
必銅斗鐵尺而市以平其他不及概舉者皆類是
是豈非東南之稱吏治者君其爲首庸哉宜都人
士之頌神君不休也異日者

天子聞而慕之將見徵書日下余也舉酒長安望葉

冕之至矣言念維桑能忘折柳以是爲序

侯諱養
民號小

菴蒲州籍昌黎

人戊子貢士

孝豐縣志

卷九

藝文

望

楊邑侯建學詩序

孫在豐

翰林院
侍講

往余髫年讀書豐邑城南習觀山水靈奇雲物窈
冥清流見底高峯入雲林莽蒼鬱竹栢峭積蓋仙
人之窟宅隱者之隩區也此中人士大都視聽閒
靜未嘗馳騫聲華然訪之故老代有雋望如吳侍
御峻伯之詩賦與弇州歷下齊驅郎工部心葵之
理學與鹿門荆川接軫石岐銓政不下裴王水東
書法更同顏柳其他處士幽人指難勝屈緬惟曩
代復有山名郭巨墓號商賢梁蕭統讀書之臺向
孝豐縣志

卷九 藝文

器

留天目晉山濤竹林之祠近圯城東唐周朴董嶺
成詩宋盧瑛五峯得句披裘初逢季扎節著遺金
姚紵不異蘇耽仙聞化鶴向使豐之山水如永嘉
之遇康樂柳州之得宗元當不寂寂至今日矣茲
幸邑侯楊父母保極者以伯起家聲子雲才望特
起而更新之披荆斬棘惟學校是崇聽政之餘撫
琴調瑟無不鼓宮宮應鼓商商應犁然有當於人
心所謂教化行而風俗美蓋侯之爲民師帥也久
矣以龔黃之治衍鄒泗之風家絃戶詠行見名材

蔚超媲美前修濟濟觀作人雅化豈徒柳州作記
謝傳裁詩而已耶葢倭新礪初試浮彩艷發揮龍
淵剽犀兕巖邑雖盤錯不足當一割也以故泄豐
六年所前之稅政已釐頑民已馴宿逋已代償積
廢已具舉訟簡刑清農業復業園圃空萑苻靖且
風雨以時蓄稂不作雖漢世吏治之隆不是過矣
奚俟懸魚馴雉龔諛辭以詡美哉讀是集也知吾
侯政成奏績不必采勾漏之丹砂抑且效王喬之
飛舄簪筆承明出入禁闈匪特萬民尸祝增光俎

孝豐縣志

卷九 藝文

集

豆而已是爲

山公潭記

張 暹

賓陽門外邈迤數百武有小石山焉其下澄淵千尺一如水鏡名曰山公潭上有古祠遺址甃石猶存父老相傳云此祀晉吏部尚書新沓伯山公濤也明懷宗時邑令田石臺漚學博岑瞻南鑄二公者臨眺其上愛其地遠山明滅如畫頗攬一邑之勝裴回至不忍去歸而誅之父老擬興復舊祠迎商賢大夫像於其上而以吏部侑饗焉無何田以他事解組去岑亦陞任蒼梧遂不果惜哉或曰考

孝豐縣志

卷九

藝文

碑

之前史巨源轍跡未嘗一履斯地抑知古人範銅以鑄賈島買絲而繡平原尚友千古豈泥時與地哉故蘇轍之詩曰厭世乘雲人不見空墳聊復葬衣冠卽此義也况塢有七賢磯名竹林然則稽阮以下王劉而上向秀呂安不當與諸公並血食是邦與又按郭志暨黃志皆曰山公又云一作三公夫三公者何舊志皆不載意者明巡撫御史張津巡按御史鮮冕金壇令劉天和三公也先是正德間廣茗之亂上聞於朝命津討之會天和有能名

檄至軍門贊畫賊聞風請降兵不血刃而平土人感其德因立祠以祀之故名三公祠嗚虜古人往矣前志多闕略無從證據故並記之以寓史家闕文之意時康熙壬寅歲秋八月邑人張進記

按故明永樂間魚池鄉吳貴歸作亂長興相繼騷動陽武侯薛祿率兵討之有祝御史者監其軍奉有克定之日立殲二邑之命薛令祝馳奏請貸恐不及事兼程而進往復才半月祝竟以勞斃至今父老猶感其再生之德焉薛祝名地不傳然功德在人不忍沒也併附錄之

天目山記

袁宏道

公安人明
吏部郎中

天目幽邃奇古不可言凡山深僻者多荒涼峭削者鮮迂曲貌古則鮮妍不足骨大則玲瓏絕少以至山高水乏石峻毛枯凡此皆山之病天目盈山皆壑飛流淙淙若萬疋縞一絕也石色蒼潤石骨與巧石徑曲折石壁竦削二絕也雖幽谷縣巖菴宇皆精三絕也余耳不喜雷而天目雷聲甚小聽之若嬰兒聲四絕也曉起看雲在絕壑下白淨如綿奔騰如浪盡大地作琉璃海諸山尖出雲上若孝豐縣志

卷九

藝文

吳

泮五絕也然雲變態最不常其觀奇甚非山居久者不能悉其形狀山樹大者幾四十圍松形如蓋高不踰數尺一株直萬餘錢六絕也頭茶之香者遠勝龍井笋味類紹興破塘而清遠過之七絕也余謂大江之南修真棲隱之地無踰此者

天目山記

王晉亨 邑人

天目西浙一鉅鎮也豐邑自湖坪一十五里宿高湖庵二十里達仙殿基基在天目之肩石孤峭入雲際俯視萬山如螺髻目至此一空南下五里爲中峰塏前有悟道庵庵南玉柱峰狀類棗核高三十餘丈鐵牙松偃綴其上循此里許至開山塏一名張公洞高峰祖師有龕在焉龕合獅子巖內巨缸藏遺蛻覆石臺上凡游人瞻禮畢手摩拂一過缸故潤膩可鑑須眉前臨千丈巖飛雲樓樓立巖

孝豐縣志

卷九 藝文

完

之丁憑窻俯瞰石壁千仞南象鼻峰左則真際亭右爲湧泉庵此山形勝第一開中峰斷崖兩祖師之先迤邐而東爲東幻佐規模弘敞殿前楹杉六七章枝葉蓬鬆鼉龍磐鬚南一小山挺立形似蓮花四面巉削登眺者披藤蘿始得達中有西方庵據蓮瓣中四圍石笋笏立門外左偏石壁如屏立玉亭與東山相對山多松竹羣猿常攀躍於上此開山以東之大略也開山之西爲活埋庵高峯習靜此地高麗潘王來叅曰師顧活埋於此乎因名

庵前香鑪峰後槃陀石其石扣之有聲類木魚更
西爲斷崖祖師捨身處崖深千餘丈師捨身其下
無傷仍端坐念佛而已殿右望江臺登之可望錢
塘江此開山以西之大略也開山之北爲大佛殿
巍峩雄壯爲一山巨剎東北爲空觀處其地平曠
坦衍縱覽無碍故名空觀緣石級而上五里至巔
周望遠而括蒼台岩四明諸峰暨黃山桐朮與夫
海門招寶諸境咸隱隱雲霞間巔圍石屏十二幅
天鑿神鏡類人工然每幅高五丈許濶二丈許石

孝豐縣志

卷九

藝文

序

色班駁莓黛又石池畝許寒泉清徹似鏡冬夏不
涸形如目天目所由名也然此乃西天目距東二
十里有高山與此山齊山頂亦有池謂之東天目
東目究不及西目之奇開山以北約略如此開山
之南爲振衣亭古杉翠栢環繞亭外人坐其中蒼
色飛來衣袵皆綠亭下爲半山橋橋畔眠牛石石
形蹲蟠伏地似眠牛下十里許爲雙清庄庄在山
之麓矣有大池澄泓朗淨梁昭明讀書於此目昏
翳掬池水洗之雙眸頓清故名雙清開山以南約

略如此大凡登此山者自北而上四十里自南而
上不越十里蓋名藍精刹奇峭秀拔之勝俱在山
之胸腋自北者由肩而下自南者由足而上其最
異者莫如雲海時或細烟一縷從石罅中出雲氣
如練須臾徧大地如湧銀濤下視羣峰如笋迸出
高者露濤中蓬瀛三島在几案間夏月雨從山腰
而下山上仍白日無纖翳聞岩下雷聲似嬰兒啼
茶時僧焙雲芽香氣撲鼻是皆山中雅事并記之

西天目修建碑記

王

贊明編修

天目距武林西北百里許盤迴而直上巍峰巉岬
削出天際兩浙勝槩皆列其前風雷陰作龍虎奔
馳日光霞綵暮映朝暉特天開畫圖也當至元丙
子間有大沙門曰高峰誅茅獅子巖首倡基之里
人洪喬祖氏崇重其道輸材運斧利施田畝建立
精藍有年未幾斷崖中峰二祖師並起茲山大啟
其道震旦竺國咸仰慈風叅禮學子雲輪川委當
是時天下豪俊莫不慕其道咸趨座下若高麗國

孝豐縣志

卷九

藝文

十一

王若元趙孟頫馮海粟皆樂從其游延祀丁巳蒙
勅孟頫撰記載於寺碑可見迨至我朝以來垂三
百餘載矣雖宗風綿遠不墜而星霜屢更古跡今
壇不無損壞弘治乙卯秋本寺化首王福完會同
寺僧圓福東堂德俊德全住持文浩戮力維持大
倡施緣於是儲匠躡工繼日運石首築石路延袤
而上約有三千七百餘丈視舊倍焉他若普同塔
千丈崖至爲新築石臺以及橋梁並次修葺一一
而新之迢迢玉砌矻矻浮屠光吞日月勢沒雲漢

轉法輪於娑婆具道場於沙界自權輿畢工涉五
寒暑而勉力圖維豐功盛績一百年來未之有也
何其懋哉今年秋王福完等以其修造之難懼無
以昭示來茲欲求一言以記之嗚呼福完由捨俗
至此十年矣一瞻堂塔勤力而勞心以圖者出其
素貴凡事大小敬奉欽依無懷誑詐是其爲不虛
所願也的矣其知力而進之難也審矣我故不得
讓而爲之記又重以詩曰鳳曆弘治十二年皇風

欣扇 關

佛日增輝當此際百廢俱興取以 關

孝豐縣志

卷九 藝文

五

天目晴空插雲漢高峰倡始獅子巖法傳斷崖與

中峰高麗國王 關

叅親臨震旦如竺國 關

海

日更重懸禪心坐斷 關

天花花雨 關

飯

首百靈 關

毫光五色起中天衲子叅元人幅

轉西來消息無窮傳道場中興海宇清六和僧衆

俱行成四恩三宥齊報德億萬斯年祝太平肯弘

治已未年大呂月壬寅日賜進士第翰林編修兼

國史永嘉王贊撰

靈巖山百福院重建大佛殿記

朱穎撰

古鄆之南去縣三十里有山曰靈巖峯巒嵒峩峩
出霄漢以其雲雨之所吞吐以其仙佛之所隱見
故謂之靈奇趣天成秀氣盤礴中有浮圖氏之宮
是爲百福院前山旅朝後岫環擁清泉漱其乳竇
長松蔭其屏帷真世間清絕之境也院創於梁之
開平始號靈峯尋易於宋之治平改賜今額大殿
天臨房院星拱規矩森嚴卓爲叢席儀表前後名
僧間出道價鏗轟明義璘師創業於初仲賢師再

孝豐縣志

卷九 藝文

記

新大殿璘師宏建山門已有堅珉紀勒其事皇元
混一之後紹隆三寶教門頓興有前溪如月師具
大福慧克振前烈自維大殿重建三百二十餘載
棟梁摧損金像塵垢亟欲整而新之與闔寺聚議
咸擬募諸檀度合衆力而成旣而師乃佇思曰吾
徒逢教法隆盛之時衣豐食足莊嚴佛地吾本分
事也與其求之於人盍若求之於已况吾鉢囊餘
資他無所用不從事於此將何待哉乃召匠度木
一力鼎創百凡所費皆出於已因其願力深重志

趣果決遂得龍天默贊人心感悅機會湊合程期
敏速事事便利不日而成似若神運其力鬼助其
作者始事於乙未六月立木於是年八月之壬子
完備於十月之初吉比舊殿衡增一丈殿基佛座
各增高三尺柱石雄固棟楹圓整面勢軒豁椽角
翬飛方瓦甃砌無纖毫欠缺衆目駭觀萬口歎詫
若夜摩睹史之宮化成於霄漢之表又旣別捐淨
資重裝佛像咸俾一新諸房之僧請於師曰大殿
崇成師旣專其功吾儕僅能鋪匠助備加犒而已

孝豐縣志

卷九

藝文

五

曾不能以備吾力今緝容屑飾儻無復所禪獨不
愧乎願計像所費助十之三使亦得寓髮誠於大
緣之中師之施名固無減也師不能拒其說於是
皆迄於成旣竣事請作文以記之余謂佛說諸波
羅密門示般若之妙因指菩提之正路以檀波羅
密爲第一檀之爲義以其能捨難捨不有其有破
慳貪之執垂慈忍之志發勇施之心所以爲六度
萬行之首也諸佛以此而發真慈菩薩以此而濟
含識修行非此則無以爲證果之階嚮道非此則

無以爲成佛之地初不聞於僧俗也近世僧門但指俗人爲檀盼盼然唯覲人之施與一有營建反藉此以取贏焉已之資力則固吝不出唯以奉私欲供泛用甚而公界隕毀如秦人視粵人之肥瘠邈然不喜戚於其心獨月師乃能視衆事如已之事視公界如已之居殫心竭力必欲極其輪奐之美以表其莊嚴之誠自非道見透徹人我兩忘視世利如浮雲宅心量如太虛詎能致是哉是足以風勵列刹勸率後人矣可不記乎大德元年宣授

武德將軍廣西轉運副使朱穎達記

商賢大夫墓銘

伍餘福

吳縣進士前兵部郎中

孝豐有老彭墓歲久草荒曲江浪史伍餘福過而悲焉表之復銘之是亦孔子竊比意也銘曰昔也薤林今也狐穴肇自商周彭闕孔竊述作何憑大戴則揭爵於而朝墓於而浙不見異人空聞異說六月社兒寒以送愬何經何恠天機恐洩誰謂猖狂惟身有節誰謂妖孽鍾靈有烈厥廟惟對八頁九折負陰抱陽堂封者崑下有龜蛇上有日月我表其阡如垂斯絕海桑幾更文或弗滅皇明嘉靖

孝豐縣志

卷九 藝文

五十七

癸巳夏五月立石

按彭祖墓有三一在眉州之武陽卽今彭山周未浮游四方晚入蜀居象耳山下有彭祖宅一在徐州卽古彭城有彭祖墓州城西北隅彭祖宅內有彭祖井宋陳靖嘗作彭祖觀井圖并序按此陸終第三子籤亦名彭祖嘗隱雲母山壽七百有餘音一在吳興之故鄣西南彭宅卽今考豐教務壇墓有薤林蘇轍經故鄣彭祖墓有詩曰空墳聊復塋衣冠三者未知孰是按秦翟道有橋陵漢武帝臨祭橋山云吾聞黃帝不死有塚何也或對曰帝乘龍上昇掌臣塋其衣冠然則古人陵墓率多此類後漢曹掾多設塚固未可同日論矣唐賈島亦有墓二其一在范陽其一在姑孰鄭谷弔青山賈水部詩云幽魂應自慰李白墓相連今故並存之以塚參云邑後學張暹敬識

宋朱吉甫墓碑記

文及翁

資政學士

曩余官吳興爲節度府掌書記幙議春容言政必及於化訪故家遺俗若人有月旦評亟稱朱君邦憲之賢會予叨召命願見而未及見也及予官中秘書朱君監文思院都門一見傾蓋歡喜若平生交望而知其爲善人君子也君爲中都官將通中都藉工部侍郎李公伯玉將作少監趙公孟昫聞其賢且有證於予各以京狀交薦於是考舉及格予方幸君班改望厥施之宏也一旦予與戶部尚

孝豐縣志

卷九 藝文

七

書郎被旨詣文思院祇奉先皇帝謚冊寶及山陵厥儀院官畢至各共乃職予問君何在院吏告前一夕無疾而逝悵然驚悼且信且疑出院造君之廬果騎鯨白雲鄉也君之子穎達自當塗節制幕戴星奔喪苦次骨立辮踊哀號以他時墓門石志銘爲請予悲咽不能對然心實許之越數月以行狀來諗則葬已有日乃卽行狀敘其世系官譜謹考朱氏厥先吳故鄣侯然之後世爲吳興望族中徙淮之浮先值五年亂離復歸吳興高祖爲建炎

初高宗皇帝翠華南渡干戈甫定饑饉薦臻傾廩
調糴存活以萬計事聞於朝授承節郎曾祖淳克
念厥紹世濟其美以承務郎致仕贈奉直大夫祖
應祥以儒學發身入登朝籍出擁州麾清名勁節
照映當代治狀焯焯可紀官至朝請大夫崇禛祠
以終父爚家法相承隱德弗耀先崇禛卒輕財重
義歷四世猶一日積善餘慶篤生後人君諱吉甫
字邦憲幼警悟觀書數行並下日誦數千言終身
不忘稍長習春秋凡二百四十年行事大義數十

孝豐縣志

卷九

藝文

五九

炳如日星獨抱遺經洞究終始發爲文詞水滸山
立出遊京庠同經推爲獨步課試先諸子鳴受崇
禛郊恩入官試吏部銓應漕貢舉俱擢本經第一
崇禛年高不忍違膝下初調徽州司戶叅軍待十
年闕以盡色養崇禛捐館喪葬祭無違禮服除調
嘉興府廣陳支鹽官地濱斥鹵吏舞文視賄輕重
手高下君冰檠自持尼吏奸通商運課以最聞部
使者有爲巨商地下急符以後鈔擾前鈔君執不
可部使者怒迫以危言君屹不動未幾部使者以

賄敗雪巖鄭公繼之首懲變壞鹽鈔之罪惟廉
獲免鄭閱案牘歎曰居官甚卑陳誼甚高世間卓
然自立有若人耶極稱賞之舉以職狀又特薦其
才劄檢察一貫委之兼領秩滿調建康府左司理
叅軍金陵重鎮獄事浩穰君剖決如流見諸平允
嘗治軍帥營婦冤獄事已誣服君不計身之利害
惟析理之是非丞相信庵趙公開督闕於建業閱
君擬筆分獄辯誣冤用昭雪繇是淡器之資政退
庵吳公繼守畱都咨詢軍民利病君乞蠲薪炭苛

孝豐縣志

卷九 藝文

六

征吳公慨然從之至今一城軍民皆蒙仁言之利
溧陽縣有富被劫意舊僕爲鄉導君密察之賊非
真賊賊非正賊吳公疑焉改屬他官率希意迎合
君曰吾獄官也使無罪就死地自吾獄出緘其口
獨無愧於心乎始委節推翁如山錄問君曰是可
以理論必不爲勢回者問翁曾見前後案牘不翁
曰未及見君曰錄問所以決死生不閱元案何以
知顛末翁索案詳閱灼其枉畫十疑白吳公獄遂
得緩居亡何淞西憲司獲盜於毗陵溧陽豪戶劫

在焉釋將死者十六人議者謂向文簡西京繼鏡
宣靖同州獄殆不是過或謂可希醜賞君正色曰
守正奉公吾之職也謀利計功吾何心焉物論雖
之丁祖母艱去官服除調汀州軍事推官規畫詳
明前後守皆前席之今兩浙運使華文胡公大初
爲汀守知君尤深凡興葺鬻宇改築城池悉委君
董其役胡公嘗曰郡僚多以事撓屬邑惟推官介
然有守真端人也畱推幕滿四考結綬登畿監行
在文思院中朝達宰交口薦譽爭令出其門下到

孝豐縣志

卷九 藝文

七

任不數月改入京官方駸駸通顯一夕倏然而逝
若羽化而登仙者實咸淳元年正月八日也享年
六十有一蓋棺事定告授通直郎賜緋銀魚袋致
仕君神清而癯氣和而肅以廉介律已以平恕待
人不妄言不妄動不妄取交直書之所謂正人詩
之所謂言士曾習金科幾中選爲由徑者輒退悉
屏去曰今而後不讀律矣顯意讀書貫穿古今博
覽書史以本經乃春秋三傳有筆削旨趣五卷三
傳精義十卷耐軒雜著五卷藏於家耐軒君自號

娶王氏建康都統司幹辦公事春卿之女先卜
年卒繼漏氏先五年卒子一人穎達擬從政郎特
差太平州節制司幹辦公事女二人長適貢補國
學進士吳孔章次未嫁蚤卒穎達卜以今年九月
十一日葬於安吉縣移風鄉六部山之原泣申前
請予不獲辭按行狀爲志系之以銘銘曰煌煌天
京翼翼文思玉珮來遊金鑰是司到五雲班僅一
跬步胡爲倏然齋志以逝有堂滿堂有子傳家夙
負雋聲蔚爲國華千載佳城旣安且吉勒此銘章

孝豐縣志

卷九 藝文

空

垂於罔極

中憲大夫都察院右僉都御史霽寰吳公墓誌
銘

張居正

江陵人
大學士

隆慶己巳二月二十日都御史孝豐吳公以病卒
於家先數月天子詔廷臣舉海內諸遺佚故臣可
大用者議者咸欲以公應詔會公卒不克薦祠部
乃疏其巡撫貴州勦賊功得賜諭祭遣使臨視塋
兆恩卹甚渥然不及公生時錄用俾齎志以歿惜
哉按狀吳氏之先淮海人也宋南渡徙孝豐明興
代有聞人至吏部公松家大顯松二子長曰麟由

孝豐縣志

卷九 藝文

三

御史歷山東憲副次日龍由吏部郎中歷福建叅
政公憲副子也母方氏封恭人公方在娠其大母
張宜人夢神女遺之曰以爲而孫至大湖又夢庭
中柱石千仞屬天憲副公亦夢舍後山高出雲端
巖巖嶽立及生遂名之曰維嶽長字峻伯別號霽
寰公少秀穎絕倫十載能屬文弱冠舉浙江丁酉
鄉試第五人明年登進士授江陰令會崇明賊起
邑與鄰壤故無城郭民大恐公設備甚嚴賊不敢
犯居三年用廉能徵入爲尙書郎主比部奏贖奉

詔詳定問刑條例稱旨著爲憲令丁未同考會試
庚戌朝廷以事逮繫兵部尙書下吏具獄將置重
典公從容言尙書無他擬從末減上不從然廷中
獨多吳君皆稱長者慮囚江西所平反萬五百餘
人其尤著者徐滾以母故擊殺發塚之人劉福德
以義殺里中不孝子皆抵死公特原之人服其允
事竣居大父父母喪三年起補駕部郎中尋以按
察副使督山東學校修秩祀表節行飭三氏子孫
奉約束以風齊魯諸生每試諸生差第其文畢卽

孝豐縣志

卷九

藝文

七

按籍察舉素無行者褫其衣巾笞斥之卽以文在
高等亦不貸齊魯之士蒸蒸向風焉遷湖廣叅政
江南按察使拜僉都御史巡撫貴州兼制湖北川
東道數上書言便宜事詔皆如議土酋楊珂與其
叔進雄有郤兵連數十歲不解公使人諭珂自縛
待以不死珂頓首伏罪事聞賜白金文綺遂移兵
誅王世麒於清浪捕宋廷武於草塘俘王阿利於
平伐諸酋畏服境內以平會有上書言貴州撫臣
嚴慧好興事不可以治黔者得旨改南而公先有

仲弟之喪居常邑邑遂謝病歸歸五年而卒公自
少雖以文雄於時而明練吏事嫻於當時之務故
所至有聲事事精辦然性高簡不能當世取容頗
爲庸衆人所嫉屢致顛阻初舉進士射策大廷忌
者匿其卷不得進柳居下列在江陰御史行縣謁
孔廟故事令以下皆蒲伏道左候御史車過乃起公
獨立俟橋門外御史深嫌之始爲郎太宰熊公知
其賢欲薦補銓部屬以不往謁執政議格不行督
學山東三年一字不交於當路巡撫貴竹有使者

孝豐縣志

卷九 藝文

七

出所部左右言使者貴人遇之宜有加公不從延
接而已使者以爲憾其被謗頗亦由是然公不以
寡偶之故易其所操謝病山中讀書譚道不從求
用於世病且革猶戒其子曰某子甲所饋朱母
以歛其勵節守義終身不變如此蓋嘉靖之子天
下言風節者稱浙中吳公云公生以正德甲以六
月四日卒纔五十有六初娶長興臧氏封安人贈
恭人生子稼端邑學生娶歸安陸侍郎女女三長
適華亭國子生馮繼可次適烏程國子生嚴應桂

次適錢塘郡學生茅用吉繼娶永嘉陳氏封恭人
生子稼翼州學生娶嘉興項吏部女稼澄邑學生
聘烏程閔令君女女一許聘烏程閔世南初公校
士南宮所舉戴記士僅十人皆海內名雋其最顯
者居正與今少保濟南殷公士儋並在政府婺源
汪公道昆爲兵部侍郎故餘姚胡公正蒙爲太常
卿國子祭酒嘉興陸公光祖爲太常少卿餘五人
皆至藩臬郡守其卒也汪公狀其行殷公表其墓
而居正爲之銘銘曰謂公不達而膺仕是都謂公
孝豐縣志

卷九

藝文

奕

達耶而讒口邾婁舍命不渝誰毀誰譽嗟嗟公平
展也丈夫光祿大夫柱國少傅兼太子太傅吏部
尙書建極殿大學士知制誥同知經筵國史總裁
江陵門人張居正譔

高南雄傳

尹

臺 永新人
林學士

南雄高太守湖州孝豐人也名冕字服周高皇帝時有高真同者以閩右上書獲罪賜歿冕其五世孫父有行義冕少悃璞讀書強力自奮稍長聞陽明王先生者講學異前輩度東越從之游恍然若有撤也由鄉校貢太學司成增城湛公安成鄒公相繼以理學為教冕益得治所未聞治舉業益進舉京闈又數年舉進士以母疏得歸養母卒除喪授南京刑部主事遷員外郎郎中居刑部八年治獄精強不主成案有囚當死者自沉其妻誣逮者論逮者歿又惡少與人鬪鬪者歿惡少連旁者抵罪冕力陳於尚書誣若連者皆獲免諸平反類此陟守南雄度梅關書傳舍曰高太守度關載橐六關人駭其書至南雄見郡小科率煩民賦業不相應豪并橫肆地介三省盜時時入部中吏民莫能格列便宜六事上當道當道報可是歲以告緡錢當民田租之半乃遣吏行縣覈田正其稅立保甲之法田稅既均流移者復業信豐賊再入界勉

孝豐縣志

卷九

藝文

七

保甲授方略斬賊首二人賊不復至廉約自處務
節費寬民守藏者故日以羨錢治茶具罷之郡有
橋摧前政率乾沒自便冕悉上所部視舊羸倍諸
訟牒應手而決老吏猾書莫敢爲奸三年惠浹政
清穰大治將上計卒於官年五十六喪出境吏民
遮道哭及境乃返關民視所載橐如前所署益駭
服南雄民至今感頌不衰

廣文王望隅傳

王思任 山陰人

山陰司訓王君諱材號望隅湖右孝豐人幼失父
大母憐之謂其母邵曰書猛於虎也傷爾夫矣母
再傷子邵跪請曰吾家祚薄何敢望貴顯教兒子
識杖杜下為人椰榆矧夫曾嚙指遺訓乎大父庭
松公曰是兒碧眼秀眉將大吾戶何僅章句教之
必非塾師所辦於是學博文成五采頭角起矣而
聘得婦施者望族也久之告以無聰語邵大駭語
學博學博曰此母所賜結襦無解重聽何傷不言

卷九

藝文

苑

其德也竟婦之得心猶不安而意執婦道甚順學
醫相莊以鴻案而又相悅以鹿門也邵始安於是
乎舉二子一女適嚴婚先後像於序學博有弟懋
音負責訟擊不得償邵泣之學博亟斥產為贖母
子兄弟終其身並相聚為樂邵既以壽劬而施
亦以瘡傷學博竟不娶迄今孤處首霜齋更無嬖
季之交王思任曰荀氏言娶婦以色為主此亂薄
浮子基雲擾之禍者也其醜納盲古人有之曰者
臨胸太史亦食其報矣然或成事難於回互別實

岐於日長天理人欲之間未易許也若王先生安
母而盟婦倫有節矣棄產救弟先生等之爲尋常
事不足舌也雖然用韞強視而得尚書王先生髮
種種尚與侏儒爭粟不均之歎天亦茫然嗟乎此
亦王先生之天矣而不聞釣鰲植梗之戛酬緩者
厚發稽者弘乎則庠館諸生以下皆先生券中署
字人也

郎水部會心集序

焦

弘明

夫道何嘗一日不在人心也第人不能卽心擬道卽道印心譬之燕適而越之驅驅愈疾謬愈遠童習自紛無足恠者南水部景愚公異才天授舉子業海內已欽若龍象而學道一胍公尤夙具根器匪止溯源河洛滙腴洙泗參微考亭卽國朝闡道自陽明先生暨心齋龍溪近溪明德諸君子公亦罔不衷其說而集其成是公之會心處神矣至矣茲何取於宋子韶氏所詠魯論諸什而津津屬辭

孝豐縣志

卷九

藝文

序

之也者顧魯論爲孔氏傳心要典漢魏以註疏宋儒以訓詁率多支離牽合之弊咕嗶家非不錄銖守之寸寸武之終是餘子步里婦曠輶車亂獼鼠脂潤璞舉斯道之在人心者不勝柴柵糾纏墜黜塗障誰能向真明求透脫而述以無言之爲貴耶公居平有餘慨焉爰摘章句以當風雅借于諸氏以暢性情譜成絕句八十有八首章約而該言近而遠元氣盎如天趣躍如總之從自家一掬靈丹楷出聖賢一貫嫡派而卽心卽道卽道卽心

堯舜之不可羹墻覲宜尼之不可且莫測也乎哉
謂公之會心處政公之從心處而大成之脈實始
基之寧獨註疏訓詁孫其元解而世之志道輩行
且龍象此集而津梁倚之者矣雖然公之學道固
足禘祫于韶氏而其清節偉樹更亭亭駕千古而
獨逞者而公冲然其若虛也公素謬推余一日長
余媿不敢當頃復以此集質余余把誦不忍釋手
固弁片言於簡用志余嗜并著斯道之所以生生
不息者萬曆丙辰午日秣陵澹園老人焦竑書